

2008 Rhif 510 (Cy.46)

ADDYSG, CYMRU

Rheoliadau Addysg (Cymorth Lleoedd) (Mân Dreuliau) (Diwygio) (Cymru) 2008

NODYN ESBONIADOL

(Nid yw'r nodyn hwn yn rhan o'r Rheoliadau.)

Mae'r Rheoliadau hyn yn diwygio ymhellach Reoliadau Addysg (Cymorth Lleoedd) (Mân Dreuliau) 1997 ("Rheoliadau 1997").

Mae'r Rheoliadau hyn yn gymwys o ran cwestiynau perthnasol sy'n codi mewn cysylltiad â blwyddyn ysgol 2007/08 ac sydd heb eu penderfynu ar y dyddiad y daw'r Rheoliadau hyn i rym. Cwestiwn perthnasol yw cwestiwn sy'n ymwneud â hawl rhiant o dan Reoliadau 1997 i gael grant mewn cysylltiad â mân dreuliau sy'n gysylltiedig ag addysg plentyn a gynorthwyr mewn ysgol annibynnol.

Mae'r Rheoliadau hyn yn diwygio'r prawf moddion (a ddisgrifir yn rheoliad 2 o Reoliadau 1997) ar gyfer penderfynu cymhwysedd i gael grant gwisg ysgol ac yn cynyddu swm y grant sy'n daladwy mewn cysylltiad â gwariant ar ddillad a dynnir yn y flwyddyn ysgol 2007/08. Mae £86 (yn lle £83 fel o'r blaen) yn daladwy pan na fo'r incwm perthnasol yn uwch na £12,864 (yn lle 12,470) ac mae £44 (yn lle £43) yn daladwy pan fo'r incwm perthnasol yn uwch na'r ffigur hwnnw ond nid yn uwch na £13,861 (yn lle £13,431).

Mae'r Rheoliadau hyn yn diwygio hefyd y prawf moddion (a ddisgrifir yn rheoliad 4 o Reoliadau 1997) ar gyfer penderfynu cymhwysedd i gael grant teithio ac yn cynyddu swm y grant sy'n daladwy mewn cysylltiad â gwariant teithio ysgol mewn perthynas â'r flwyddyn ysgol 2007/08. Pan na fo'r incwm perthnasol yn uwch na £12,877 (yn lle £12,473), bydd unrhyw grant teithio yn swm sy'n hafal i'r gwariant teithio ysgol y mae'n ymwneud ag ef. Pan fo'r incwm perthnasol yn uwch na'r swm hwnnw, y grant teithio

fydd y swm, os bydd un, y bydd y gwariant teithio ysgol y mae'n ymwneud ag ef yn uwch na swm (wedi ei dalgrynnu i lawr i'r lluosrif agosaf o £3) sy'n hafal i un rhan o ddeuddeg o'r rhan honno o'r incwm perthnasol sy'n uwch na £12,698 (yn hytrach na £12,304).

2008 Rhif 510 (Cy.46)

ADDYSG, CYMRU

Rheoliadau Addysg (Cymorth Lleoedd) (Mân Dreuliau) (Diwygio) (Cymru) 2008

Gwnaed 26 Chwefror 2008

Gosodwyd gerbron
Cynulliad Cenedlaethol Cymru
27 Chwefror 2008

Yn dod i rym 19 Mawrth 2008

Mae Gweinidogion Cymru, ar ôl ymgynghori, yn unol ag adran 3(7) o Ddeddf Addysg (Ysgolion) 1997(1), â'r cyrff hynny sy'n ymddangos iddynt hwy yn briodol a chynrychioliadol o ysgolion sydd o dan adran 2(1) o'r Ddeddf honno yn darparu lleoedd drwy gymorth, yn gwneud y Rheoliadau a ganlyn drwy arfer y pwerau a roddwyd iddynt gan adran 3(1), (3), (4), (5) a (9) o'r Ddeddf honno(2):

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Addysg (Cymorth Lleoedd) (Mân Dreuliau) (Diwygio) (Cymru) 2008 a deuant i rym ar 19 Mawrth 2008.

(2) Mae Rheoliad 3 yn gymwys o ran Cymru mewn cysylltiad â chwestiwn perthnasol.

(3) Ym mharagraff (2) uchod, ystyr "cwestiwn perthnasol" yw cwestiwn o dan Rheoliadau Addysg

(1) 1997 p. 59. Diwygiwyd adran 3 gan adran 130 o Ddeddf Safonau a Fframwaith Ysgolion 1998 (p. 31).

(2) Yr oedd swyddogaethau'r Ysgrifennydd Gwladol o dan adran 3 yn arferadwy gan Gynulliad Cenedlaethol Cymru o ran Cymru: gweler erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 a'r cofnod mewn cysylltiad â Deddf Addysg (Ysgolion) 1997 yn Atodlen 1 iddo (O.S. 1999/672). Trosglwyddwyd y swyddogaethau wedi hynny i Weinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p.32).

(Mân Dreuliau) 1997(1) ynghylch a oes gan rieni disgybl a gynorthwyir hawl i gael grant gwisg ysgol o dan Ran II, neu grant teithio o dan Ran III, o'r Rheoliadau hynny ac—

- (a) sy'n codi mewn cysylltiad â blwyddyn ysgol sy'n dechrau ar neu ar ôl 1 Medi 2007; a
- (b) sydd heb ei benderfynu ar y dyddiad y daw'r Rheoliadau hyn i rym.

Diwygio Rheoliadau Addysg (Lleoedd a Gynorthwyir) (Mân Dreuliau) (Diwygio) (Cymru) 2006

2. Ar ddiwedd paragraff (3) rheoliad 1 o Reoliadau Addysg (Lleoedd a Gynorthwyir) (Mân Dreuliau) (Diwygio) (Cymru) 2006(2), mewnosoder “ar yr amod nad yw'r cwestiwn yn un y cyfeirir ato ym mharagraff (3) rheoliad 1 o Reoliadau Addysg (Cymorth Lleoedd) (Mân Dreuliau) (Diwygio) (Cymru) 2008”.

Diwygio Rheoliadau Addysg (Cymorth Lleoedd) (Mân Dreuliau) 1997

3.—(1) Diwygir Rheoliadau Addysg (Cymorth Lleoedd) (Mân Dreuliau) 1997 fel a ganlyn.

(2) Yn rheoliad 2 —

- (a) ym mharagraff (2), yn lle “£13,431”, rhodder “£13,861”;
- (b) ym mharagraff (3), yn lle is-baragraffau (a) a (b), rhodder—
 - “(a) £86 pan na fo'r incwm perthnasol yn uwch na £12,864; a
 - (b) £44 pan fo'r incwm hwnnw'n uwch na £12,864, ond nad yw'n uwch na £13,861.”.

(3) Yn rheoliad 4—

- (a) ym mharagraff (3), yn lle “£12,483”, rhodder “£12,877”; a
- (b) ym mharagraff (4)—
 - (i) yn lle “£12,483”, rhodder “£12,877”; a
 - (ii) yn lle “£12,304”, rhodder “£12,698”.

(1) O.S. 1997/1969. Yr offerynnau diwygio perthnasol yw O.S. 1998/1585, O.S. 1999/1505, O.S. 2000/1939 (Cy. 137), O.S. 2001/2708 (Cy. 227), O.S. 2002/1880 (Cy. 189), O.S. 2003/1779 (Cy.193), O.S. 2004/1807 (Cy.195) ac O.S. 2005/2837 (Cy. 201).

(2) O.S. 2006/3098 (Cy. 282).

Jane Hutt

Y Gweinidog dros Blant, Addysg, Dysgu Gydol Oes a
Sgiliau, un o Weinidogion Cymru

26 Chwefror 2008